



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-10308/20
Sarajevo, 06.05.2020.godine

SKUPŠTINA KANTONA SARAJEVO
gosp. Mirza Čelik, predsjedavajući Skupštine Kantona Sarajevo

**KANTONALNA UPRAVA ZA
INSPEKCIJSKE POSLOVE**
Dalmatinska 2,
Sarajevo 71 000,
gosp. Fahir Halilović, direktor

**PREDMET: Odgovor na zastupničko pitanje zastupnice Neire Dizdarević,
dostavlja se –**
VEZA: Vaš akt, broj: 01-04-10308-34/20 od 23.04.2020. godine

Na 24. Radnoj sjednici Skupštine Kantona Sarajevo, održanoj 23.04.2020.godine, u okviru tačke Dnevnog reda "Poslanička/zastupnička pitanja, inicijative i odgovori", zastupnica Neira Dizdarević je postavila zastupničko pitanje kako slijedi:

" U odgovoru Kantonalne uprave za inspeksijske poslove broj 14-02-04-01403/20 od 26.03.2020. na moj zahtjev kojem je prethodilo interesovanje građana o dostavi spiska pravnih lica kod kojih je inspeksijskim nadzorom utvrđeno odstupanje kvaliteta usitnjenog i oblikovanog mesa u odnosu na zahtjeve iz Pravilnika, dobila sam odgovor da je u skladu sa članom 25. Zakona o inspekcijama KS ("Sl. novine KS", broj 2/17) određeno čuvanje službene i druge tajne, odnosno da inspektor je dužan čuvati službenu i svaku drugu tajnu sa kojom se upozna u vršenju inspeksijskog nadzora ... inspektor je dužan čuvati tajnost prijave i druge informacije koje se tiču inspeksijskog nadzora što uključuje i dokumentaciju, dokaze i podatke utvrđene ili nastale u inspeksijskom nadzoru.

Napominjem da sam, kako u ovom tako i u prethodnom mandatu zajedno sa ostalim kolegama zastupnicima dobijala ovakve informacije o provedenim nadzorima sa podacima iz nadzora, pa se postavlja pitanje promjene prakse.

Molim pojašnjenje o ovoj praksi, gdje sam kao zastupnica i predstavnik građana u zakonodavnom tijelu onemogućena da tražim podatke o nadzorima i na taj način kontrolišem u ime građana



postupanje inspektora u pojedinačnim slučajevima nadzora, jer na kraju kao zastupnica razmatram i godišnje izvještaje KUIP-a.

Skrećem pažnju da informaciju koja je službena tajna nisam namjeravala dati u javnost.

Prema Zakonu o zaštiti tajnih podataka BIH kao zastupnica kantonalnog zakonodavnog tijela imam pravo na podatke koji se odnose čak na javnu sigurnost, odbranu, vanjske poslove, kao i obavještajnu i sigurnosnu djelatnost koji nose oznaku INTERNO i POVJERLJIVO i to bez prethodne sigurnosne provjere i dozvole, stoga me čudi da ne mogu imati pristup podacima iz jednog inspekcijskog nadzora, te stoga molim pojašnjenje."

S tim u vezi, Ministarstvo pravde i uprave dostavlja sljedeći odgovor :

U vezi zastupničkog pitanja, ističemo da je članom 108. Zakona o inspekcijama Kantona Sarajevo („Službene novine Kantona Sarajevo”, broj 02/17) a u vezi sa članom 10. tačka 5. Zakona o organizaciji organa uprave („Službene novine Federacije Bosne i Hercegovine”, broj 35/05) određeno da pružanje savjetodavnih mišljenja u vezi pravilne primjene Zakona o inspekcijama Kantona Sarajevo i nadzor nad primjenom Zakona, vrši Kantonalna uprava za inspekcijske poslove Kantona Sarajevo. Shodno citiranim odredbama, zastupničko pitanje ćemo uputiti Kantonalnoj upravi za inspekcijske poslove na dalje postupanje.

U Vašem upitu postavili ste pitanje koje se tiče odredaba Zakona o zaštiti tajnih podataka („Službeni glasnik Bosne i Hercegovine”, broj 54/05), kako se radi se o propisu iz nadležnosti drugog organa i drugog nivoa vlasti, u ovom slučaju propis nivoa Bosne i Hercegovine, Ministarstvo pravde i uprave ističe da nije nadležno tumačiti, niti davati mišljenja o primjeni propisa iz nadležnosti drugih organa i drugih nivoa vlasti.

Obradila: Edina Karasalihović

S poštovanjem,

Dostaviti:

1. Naslovu;
2. Kantonalna uprava za inspekcijske poslove, Dalmatinska 2, 71 000 Sarajevo, n/r gosp. Fahir Halilović;
3. a/a.

MINISTRICA
[Redacted]
Mersa Kustura dipl. pravnik



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

